

لحظة شعر

الشعر ضيقه تستغل الثواني
والليل كتله من شعور التباريح
ذكراك مدري شوقي اللي خذاني
وأشعل لك د ليل التجافي مصابيح
أغيب وأتشرد بغربة زمني
وأجيك غيمه ساقها هبت الريح
وأصد مدري شعور ضيقه حواني
أو الغلا لحظه من احساس ويسيح
لا تقول مغرور وغريب واناني
انا بشر كومة قصيد وتجاريح
عطيت لكن منهو اللي عطاني ؟
من يذبح الضيقه من الصدر وقزح ؟
الي يبي قربي انا في مكاني
والي طعني يا عسا ربي يبيح

ماتت بوجه المقبلات الاماني
وظليت مثل اللي تذرا على شيح
لا صد عن ريج الشعر والأغاني
ما قام لا ثابت ، ولا راضي يطيح
يا صاحبي لو غبت بين الحاني
الوقت داير والليالي مراجيح
بكره تحس بضيق فقد وتعاني
وتدور لضيق الليالي مفاتيح
أذخر دموعك خلها وقت ثاني
ماهي بحاجة منك دمع التماسيح
أنت أول اللي للقصيد رماني
وانت آخر اللي ممتليني تباريح
عبدالله فليح

الهدايا

من اول العام تهديني جروح جداد
وش انتظر في نهاية عام تهديني ؟
عادتك من عام الأول والهدايا تعاد
فأله يقويك وأنا الله يقويني
في كل عام اتجرى جيتك ف العام
واصحي على جرح لك الأول ينسيني
اسهر اعد الثواني بالوله والسهاد
والروح من زود ما فيها تعينيني
احرقت قلبي بجرحك لين صاير رماد
حتى يديني شكت من مسكة ايديني
تجرح وتضحك وعينك من فرحها وكاد
تستانس الرقص في مسرح شراييني
ما بين كيف ومتى عينك تهني الرقاد ؟
وانا من اسنين به ما تهني عيني
ياهييه واشلون تنسي عاشقك والوداد
اسلي الروح وجروحني تساليني
خلاص ما بي هدايا دام قلبك جماد
طويت صفحتك وما فيني يكفيني
والشوق لا هب قلبي ويحن يا زاد
باعلمه وش حصل منك ومشقيني
فمن اول العام ترسل لي هدايا جداد
يكفي هداياك والدمعة تسوايني

احمد المنتشري

يسرق الغيمة

زحام وذاكرة بابي ماعادت تاسع لمقضين
طردت ظلالهم لا تسكب خطاهم على بابي !
طويل الليل ما قصير يمد لمنتها يدين
فرش سجادة الماضي على صدري وصلني بي !
اخبره من طلوع « الهمس » يستنزف وداد العين
قطع ... ولا وصلني يسرق الغيمة من اهدابي !
يطش البرد باطراف الكلام وينده تجرحين
لظم من داكن الجرحين ياسي والبس كتابي !
يا غياب وتشجر بالسهر صوت وتهامس طين
وتعثر وجه كل مانادت الظلمة ... يا غياي !
هدى الشمري